





印史卷之四

唐太宗至後五代

得一百八十九人

古吳何通不違甫著



魏徵之印

魏徵字元成魏州人少孤  
落魄初為隱太子洗馬太  
子敗改事太宗拜諫議大  
夫或引至臥內訪天下事  
徵亦自以為不世遇乃展  
盡底蘊二百餘奏無不剴  
切帝比之諸葛孔明

房玄齡

房玄齡字喬臨淄人隱太  
子與秦王有隙玄齡勸王  
行周公之事事平王為太  
子擢玄齡為右庶子太子  
即位進中書令居宰相位  
積十五年臨歿上親握手  
與決薨陪葬昭陵





杜如晦印

杜如晦字克明京兆杜陵人從秦王征伐參帷幄王即位進左僕射與玄齡共筦朝政玄齡議事必令如晦籌之而卒用玄齡策蓋如晦善斷而玄齡善謀當世語良相必曰房杜云



姚思廉印

姚思廉陳吏部尚書察之子察修梁陳二史未就歿以屬思廉唐高祖定京師受秦王府文學王為太子詔與魏徵共撰梁陳書帝幸九成宮思廉以直諫賜帛五十疋拜散騎常侍



王珪之印

王珪字叔玠祖僧辨為隱太子中允太宗登極召為諫議大夫推誠納善每存規益帝親任之珪少孤貧母曰兒必貴然未知與游者何人會房杜過其家母曰二客公輔才女貴不疑



馬周之印

馬周字賓王博州茌平人淪落不偶為浚儀令崔賢所辱感激而西舍中郎將常何之家周為條上二十餘事太宗怪而問之何以實對帝即召拜周監察御史累遷中書令





張玄素



李大亮印

張玄素蒲州人仕隋為景  
城縣戶曹太宗即位數間  
以政事貞觀四年詔發卒  
治洛陽宮殿玄素上書切  
諫帝為罷役魏徵嘆曰張

公論事有回天之力可謂  
仁人之言哉擢左庶子

李大亮涇陽人性忠謹外  
若不能言而內甚剛烈對  
天子爭是非無回撓帝幸  
洛陽詔副房玄齡居守玄  
齡稱其如王陵周勃可倚  
大事俄寢疾帝親自和藥  
馳驛賜之



戴胄印



楊師道印

戴胄字玄胤相州安陽人  
秦王拔為大理少卿執法  
均平貞觀二年奏請天下  
節級輸粟各納所在立為  
義倉太宗從其議七年卒  
房玄齡魏徵每至胄生平  
故處輒流涕可以知其人

楊師道字景猷為吏部尚  
書寵遇隆渥性周謹善草  
隸工詩後侍宴帝問曰公  
每酣賞捉筆賦詩如宿構  
者試為朕言之師道再拜  
少選輒成無所竄定一坐  
嗟服





李靖之印

李靖字藥師三原人高祖定京師從平王世充破江陵定江南太宗踐祚靖以兵部尚書征頡利大破之於是斥地自陰山北至大漠因大赦天下賜民五日

關立本

關立本總章元年拜右相初太宗與侍臣泛舟春苑詔悉坐賦詩命立本為圖伏池左研吮丹墨甚愧之戒諸子曰吾文辭不減儕輩獨以畫等厮役慎毋再習然性所好亦不能罷也



段志玄印

段志玄齊州臨淄人文德皇后之葬志玄勒兵衛章武門太宗夜遣使至志玄拒曰軍門不夜開使者示手詔志玄曰夜不能辨不納比曙帝嘆曰真將軍周亞夫何以加封褒國公

虞世南

虞世南字伯施越州人太宗稱其五絕曰德行曰忠直曰博學曰文詞曰書翰帝嘗作宮體詩使賡和世南曰聖作誠工然體非雅正恐此詩一傳天下風靡不敢奉詔帝曰朕試卿耳







褚遂良印



薛仁貴

褚遂良錢塘人貞觀中爲起居郎太宗嘗嘆曰虞世南死無與論書者矣魏徵白見遂良帝方博購王羲之帖遂良詳正真偽無舛冒者遂良書初師世南晚造羲之正書尤得媚趣薛仁貴絳州人王師攻高麗仁貴着白衣自標顯持戟腰鞬兩弓所向披靡帝望見問白衣者誰曰薛仁貴帝曰朕舊將皆老欲付闕外事莫如卿者朕不喜得遠東喜得虓將耳



李勣



顏師古印

李勣曹州離狐人大業末從翟讓爲盜李密亡命雍丘勣說讓推密爲主武德二年密與勣俱歸唐朝從太宗征高麗勣暴疾帝自剪須和藥高宗立召爲左僕射奉詔冊立武氏顏師古字籀其先瑯琊人博覽善屬文高祖入關謁見授朝散大夫累遷中書舍人太宗命師古考定五經多所釐正所注漢書悉就章行於世





袁天綱印



岑文本印

袁天綱成都人初見武后之母曰夫人漢生貴子及見其二子曰官三品見韓國夫人曰此女貴而不利

夫后最幼姆抱以見給曰男天綱驚曰龍瞳鳳頸極貴驗也若為女亦當子作天

岑文本字景仁鄧州人擢

中書舍人時顏師古為侍

郎詔詔皆所草定師古以

謹罷溫彥博請曰師古長

文誥人少逮者帝曰朕自

舉一人公無憂乃授文本

侍郎典機要踰年為令



劉弘基印



孫思邈印

劉弘基雍州池陽人高祖平京師弘基功第一授驍衛大將軍討薛舉八總管軍皆沒惟弘基一軍力戰矢盡為賊所拘帝以臨難不屈優護其家仁果平乃克歸官如故累封任國公

孫思邈京兆人通百家說

善言老子莊周於陰陽推

步醫藥無不善居太白山


隋文帝以博士召不拜密

語人曰五十年後有聖人

出吾且助之太宗召拜諫

議大夫不受至永寧初卒





李百藥

李百藥定州人幼多病故以百藥名之七歲能文貞觀四年為太子右庶子帝嘗與偕賦帝京篇手詔曰卿何身老而才之壯學宿而意之新乎所撰齊史行於世



令狐德棻

令狐德棻宜州人博貫文史建言修南北朝正史書成遷禮部侍郎兼修國史後坐事免會修晉宋史房玄齡奏起之預者九十八人德棻為先進故類例多所訊定



李淳風印

李淳風岐州人貞觀初以將仕郎直太史局造渾天儀以考七曜之盈縮又增損劉焯皇極曆改撰麟德曆奏之術者稱其精密晉書及五代史其天文律曆五行志皆淳風所作也



高馮

高馮字季輔德州人貞觀初拜監察御史彈治不避權貴數上言得失帝賜鍾乳一劑曰而進藥石之言朕以藥石相報也後為吏部復賜金背鏡以况其清鑒焉





王遠知印

王遠知事陶弘景傳其術為道士秦王與房玄齡微服過之遠知迎語曰中有聖人方為太平天子貞觀九年詔潤州即茅山為觀俾居之壽百一十六歲



長孫無忌

長孫無忌從秦王征討有功累擢比部郎中隱太子毒秦王王病幾殆無忌與尉遲敬德討難平之功第一封齊國公高宗欲立武后無忌極言其不可后銜之詔削官爵安置黔州卒



劉仁軌印

劉仁軌字正則汴州人少好學值亂不能安業每動止畫地書空卒以通博聞武德初為陳倉尉折衝魯寧豪縱仁軌榜殺之太宗以剛正擢咸陽丞遷給事中武后臨朝拜右僕射



裴行儉印

裴行儉字守約絳州聞喜人高宗時擢安西都護西域慕義歸附都支誘蕃落以動安西行儉計擒之蕃落悉降帝親勞曰行儉提軍深入萬里兵不血刃而叛黨擒夷拜禮部尚書





薛元超

薛元超收之子九歲襲爵高宗卽位數上書陳當世得失歷任中書令帝幸東都留輔太子監國太子喜射獵稍怠政事上書切諫帝聞而嘉之後政出武后因陽啗乞骸骨卒



許敬宗印

許敬宗杭州人善屬文除著作郎高宗卽位遷禮部尚書帝欲立武昭儀大臣切諫而敬宗獨宣言曰田舍子獲十斛麥尚欲易故婦天子富有四海立一后謂之不可何哉帝意遂定



韋弘機印

韋弘機京兆萬年人貞觀初使突厥道梗三年不得歸裂裾錄所過諸國風俗物產爲西征記比還上之帝大悅顯慶中爲檀州刺史政化大行擢司農少卿省惜常費財用充足



李義府印

李義府瀛州人貞觀中對策中第除舍人得侍太子以文翰顯高宗立爲長孫無忌所惡斥壁州司馬義府昏夜叩閣上表請立昭儀上大悅遂停司馬詔書賜珠一斗





上官儀

上官儀字遊韶陝州人也  
貞觀初擢進士第任秘書  
郎太宗每屬文遣儀視藁  
高宗時武后專恣帝不能  
堪命儀草詔廢后后犇訴  
帝帝恐后恚乃曰上官儀  
教我后由是構殺之



李延壽印

李延壽世居相州太宗時  
遷符璽郎兼修國史初延  
壽父欲改正南北史未成  
而歿延壽乃終先志本魏  
登國盡隋義寧為北史本  
宋永初盡陳禎明為南史  
刪落繁辭過本書遠甚



王義方印

王義方泗州連水人性蹇  
特魏徵欲妻以內姪辭不  
取徵薨乃娶曰初不附宰  
相今感知已故也高宗擢  
侍御史劾奏李義府廷辱  
之帝恨義方以孤士觸宰  
相貶萊州司戶



李安期

李安期百樂子亦七歲能  
文高宗時為中書舍人帝  
責侍臣不進賢安期對曰  
比見公卿有所薦進皆劾  
為朋黨抑滯者未伸而主  
薦者已受訾所以人人禁  
嘿以避囂謗也帝納之





王勃

王勃字子安絳州龍門人六歲能屬文九歲得顏師古注漢書讀之作指瑕以摘其失道出鍾陵都督大宴滕王閣徧請諸客作序莫敢當至勃援筆成篇不易一字



韓思彥印

韓思彥字英遠鄧州南陽人授監察御史巡察劍南有兄弟相訟累年不決思彥令厨宰飲以乳二人悟請輟訟會蜀大饑開倉賑民然後以聞璽書褒美



郝處俊

郝處俊中州人甫十歲而孤及長好學嗜漢書第進士累遷吏部侍郎臨事敢言武后雖忌之以其操履無玷不能害



員半千印

員半千齊全節人本姓劉十世祖凝之以忠烈自比伍員因自姓員半千舉童子對詔高第王義方賞之曰五百歲一賢者生子宜當之因名半千凡舉八科皆中為弘文館學士





婁師德

婁師德鄭州原武人第進士上元初為監察御史會募猛士討吐蕃師德乃戴紅抹額來應詔與虜戰八遇入克武后降書勞之進同平章事總邊要為將相者三十年以功名終



狄仁傑印

狄仁傑字懷英太原人萬歲通天中轉幽州都督賜紫袍龜帶后自製金字十二於袍以旌其忠召拜鸞臺侍郎同平章事張易之嘗問自安計仁傑曰惟勸迎廬陵王可以免禍



李安靜

李安靜天授中為右衛將軍武后革命羣臣皆勸進安靜獨無所請及收繫獄來俊臣問狀對曰正以我唐舊臣殺之可也若詰其狀吾誰欺俊臣誣殺之



王方慶印

王方慶義之十世孫也居相位以子為眉州司士參軍天后嘗問曰君在相位子何遠乎對曰廬陵是陛下愛子今猶在遠臣之子焉敢近世以比倉唐之對





張東之



徐有功印

張東之字孟將襄陽人第  
進士年七十餘為荊州都  
督府長史仁傑薦之曰荆  
州長史張東之雖老宰才  
也姚崇亦曰張東之深沉  
有謀其人既老唯急用之  
后即日召見拜同平章事  
徐有功舉明經累補蒲州  
司法參軍不忍杖罰民服  
其德更相約曰犯徐參軍  
杖者必共斥之武后革命  
有功獨犯顏諫諍凡三坐  
大辟終不挫折治獄平正  
所全活者甚眾



陸元方



駱賓王印

陸元方字希仲蘇州人舉  
八科皆中擢天官侍郎或  
言其薦引親黨后怒免官  
使白衣領職元方薦人如  
初后知無他復拜鸞臺侍  
郎同平章事元方所薦人  
無知者臨終取奏藁焚之  
駱賓王義烏人七歲能賦  
詩武后時數上疏言事下  
除臨海縣丞鞅鞅不得志  
棄官而去李敬業起兵討  
武后賓王為檄后見檄嘆  
曰此宰相之過也有才如  
此而使之淪落不偶乎





郭震



唐休景印

郭震字元振魏州人少有大志十八舉進士任俠不拘小節拜涼州都督五歲夷夏畏愛焉睿宗立拜兵部尚書玄宗誅太平公主睿宗御承天門獨元振總兵扈帝進封代國公

唐休景嘗為安都護以儒者號知兵自碣石踰四鎮其間綿地幾萬里山川夷阻障塞之要皆能言之故行師料敵未嘗敗宰相文武兼者李靖郭元振張仁愿唐休景也



張仁愿印



武攸緒

張仁愿華州下邳人有文武才武后遷殿中侍御史景龍中為朔方軍總管築三受降城於河北六旬而城就突厥不敢踰山牧馬歲省費以億計減鎮兵數萬進同平章事

武攸緒武后兄子也后革命封安平郡王固辭願隱居后許之攸緒廬巖下如素遁者所賜金銀鎔鬲野服皆積不御後武氏連禍唯攸緒不及睿宗時昭賜嵩山舊居令州縣存問





朱敬則印

朱敬則字少連亳州人以孝義世被旌顯高宗召見異之武后稱制數召入禁中訪失得進同平章事嘗謂敬暉曰公若假太子令舉北軍誅二張兩飛騎力



韋嗣立

耳暉用其策卒復唐祚韋嗣立字延構武后時拜鳳閣舍人以朝廷重內輕外請自典牧守以本官檢校汴州刺史景龍中拜大學士嗣立庄在鸚山鸚鵡谷中宗幸之封爲逍遙谷



薛稷私印

薛稷字嗣通擢進士第累遷中書舍人初虞世南褚遂良以書顯家後莫能繼稷外祖魏徵家多虞褚書故銳精臨倣結體適麗遂以書名天下睿宗在藩喜之及踐祚封晉國公



嚴善思印

嚴善思武后時擢監察御史李淳風死候家皆不效乃詔善思爲太史令後語姚崇曰韋氏禍且塗地相王所居有華蓋紫氣必位九五公善護之及睿宗立崇以語聞召拜散騎常侍





陳子昂印

陳子昂字伯玉梓州人武  
后奇其才召見金華殿占  
對慷慨擢麟臺正字后既  
稱皇帝子昂上周受命頌  
擢右拾遺唐興文章承徐  
庾餘風子昂始變雅正王  
適曰是必為海內文宗



劉幽求印

劉幽求冀州人桓彥範等  
誅二張而不殺武三思幽  
求曰公等無葬地矣臨淄  
王入誅韋庶人幽求預參  
大策睿宗立遷侍中賜封  
二百戶子孫傳國無絕先  
天元年為尚書右僕射



辛替否印

辛替否字協時京兆人景  
龍中為左拾遺肯直言睿  
宗立罷斜封官千餘人俄  
詔復之替否上疏切諫帝  
雖不能用然深嘉其切直  
稍遷右臺殿中侍御史



魏知古

魏知古深州人拜黃門侍  
郎會造金仙玉真觀盛夏  
督促民不堪命知古上書  
切諫帝嘉其直宋璟嘗曰  
叔向古遺直子產古遺愛  
兼之者其魏公乎





安金藏印

安金藏京兆人在太常工籍睿宗為皇嗣唯工優給使得進俄有誣皇嗣異謀者后詔問狀金藏大呼曰皇嗣實不反乃引佩切割心五藏被地后急命高醫治之得甦睿宗乃安



李义

李义字尚真趙州人年十二工屬文第進士遷修文館學士進吏部侍郎與宋璟同典選事請謁不行時人語曰李下無蹊徑時貴幸有求官者睿宗曰朕非有靳顧李义不可耳



蘇瓌

蘇瓌字昌容雍州武功人轉揚州都督府長史州據都會多名珍怪產前長史費取巨萬瓌單身襍被自將中宗時拜尚書右僕射開元六年詔瓌與劉幽求配享睿宗廟庭



張說之印

張說字道濟洛陽人武后策賢良方正說對第一擢鳳閣舍人易之誣陷魏元忠說廷對忤旨流欽州睿宗立進同平章事玄宗時蕭至忠為相罷說政事至忠誅乃召說為中書令





魏元忠印

魏元忠宋州人陷周興獄當歿以平陽楚功得流歲餘為御史中丞復為俊臣所構就刑死者二十餘人枕籍於前元忠神色不動俄有赦免死凡五經貶逐中宗復位為尚書僕射



吳兢

吳兢汴州人與劉子玄撰定武后實錄叙張昌宗誘張說誣證魏元忠賴宋璟等激勵苦切故轉禍為忠不然皇嗣且殆後說為相屢以情斬改辭曰狗公之情何名實錄卒不改



劉子玄

劉子玄名知幾擢進士第累遷鳳閣舍人兼修國史子玄病史司官多意尚不一乃奏記求罷去因著史通內外四十九篇訊評今古而委國史於吳兢焉



姚崇之印

姚崇字元之陝州人玄宗獵渭濱崇時在同州召至問崇曰知獵乎對曰臣少以呼鷹逐獸為樂張璟藏謂臣當為王佐故折節讀書遂待罪將相帝乃與俱獵帝悅曰卿宜遂相朕





盧懷慎



蘇頌

盧懷慎涇州人開元中進  
同平章事自以才不及崇  
故事皆推崇時譏為伴食  
宰相寢疾遺言薦宋璟等  
帝悼嘆之璟候其疾執璟  
手曰上享國久稍倦於勤  
將有奸人乘間而進矣  
蘇頌字廷碩蘇瓌子為中  
書舍人父子同在禁苑朝  
廷榮之開元四年同平章  
事與宋璟同當國璟剛正  
多所裁決頌助成其美相  
得歡甚帝愛其文曰卿所  
為詔令當別錄副本畱中



宋璟之印



張嘉貞印

宋璟刑州人為監察御史  
武后高其才二張屢欲害  
之玄宗時與姚崇相繼為  
相二人志操雖不同然協  
心輔佐使賦役寬平刑罰  
清省百姓富庶故稱賢相  
者前曰房杜後曰姚宋  
張嘉貞蒲州人為天兵使  
入朝玄宗許以入相嘉貞  
曰陛下不以臣不肖必用  
之要及其時後衰無能為  
也及宋璟等罷相帝欲用  
之而忌其名夜半閱大臣  
疏表得之遂召為中書令





僧一行印

僧一行隱荊州當陽山依沙門悟真習梵律玄宗強起之撰開元大衍曆經漢洛下闕造曆云後八百歲當差一月必有聖人正之至一行造大衍曆始正其差誤



孟浩然印

孟浩然字浩然襄陽人隱鹿門山年四十至京帥王維邀入內署玄宗駕至浩然匿牀下帝知詔浩然出使誦詩至不才明主棄之句帝曰卿不求仕非朕弃卿奈何誣我因放還



王丘

王丘字仲山年十一擢童子科及冠舉制科中第為考功員外郎務覈實材裁抑請托遷吏部侍郎典選復號平允為人清約不通饋遺室宅車騎敝陋不堪既老藥餌不能自給焉



王維之印

王維字摩詰與弟縉齊名擢進士累遷尚書右丞喪妻孤居三十年築別墅于輞川日與裴迪遊其中賦詩為樂維工草隸善畫皆天機所到學者不及也





裴光廷

裴光廷字連城行儉子玄宗有事岱宗京師空虛議欲加兵守邊張說用光廷謀致突厥遣使來朝東封還拜同中書門下平章事卒帝特賜謚忠憲詔中書令張九齡文其碑



張九齡印

張九齡字子壽曲江人七歲知屬文擢進士為左拾遺以張說薦遷中書侍郎拜同平章事李林甫忌之卒以右丞相罷政而用牛仙客後帝每用人必曰風度得如九齡否



李白

李白字太白喜擊劍輕財好施與孔巢父等號竹溪六逸賀知章見其文嘆曰謫仙也言於玄宗詔供奉翰林嘗侍帝醉使力士脫鞵白自知不容益放不自修與知章等為酒中八仙張旭蘇州吳人嗜酒每大醉呼叫狂走乃下筆或以頭濡墨而書既醒自視以為神不可復得也世呼張顛旭自言始見公主擔夫爭道又聞鼓吹而得筆法觀倡公孫舞劍器得其神



張旭之印





裴旻

裴旻嘗與孫佺北伐爲奚所圍旻舞刀立馬上矢四集皆迎刀而斷奚大驚引去後守北平嘗一日射得三十虎父老曰此彪也後遇真虎小而猛旻馬辟易弓矢委地遂不復射



賀知章印

賀知章字真越州人證聖初擢進士遷太常開元十三年遷禮部侍郎兼集賢院學士晚節誕放遨遊里巷自號四明狂客天寶初請爲道士還鄉里詔許之賜鏡湖剡川一曲



韓休

韓休京兆人拜黃門侍郎同平章事帝嘗獵苑中必視左右曰韓休知否已而疏輒至左右曰自休入朝陛下無一日歡何不逐之帝曰吾雖瘠天下肥矣吾用韓休爲社稷非爲朕也



李陽冰印

李陽冰字少溫趙郡人官至將作監初學李斯嶧山碑及見仲尼書開闔變化極意摸倣遂臻其妙大曆初霸上人得石函中科斗孝經二十章初傳李白白授陽冰盡通其法





高力士印

哥舒翰



高力士玄宗擢為內給事  
小心供奉常因事納忠帝  
欲以天下事付李林甫力  
士對曰柄不可假人威權  
既振孰敢議者肅宗時流  
巫州寶應元年赦還見二  
帝遺詔北向哭嘔血而卒  
哥舒翰其先本突騎酋長  
任俠縱捕年四十不為長  
安尉所禮發憤遊河西事  
王忠嗣擊吐蕃虜駭走忠  
嗣被罪帝召翰翰且訴且  
泣忠嗣不及誅後翰為河  
西節度使封西平郡王



王忠嗣印



房瑄私印

王忠嗣華州人父海濱戰  
歿忠嗣時年九歲入見玄  
宗伏地號泣帝撫之曰此  
去病孤也須壯而將之養  
禁中後為朔方河東節度  
使佩四將印勒兵重地控  
制萬里近世未有也  
房瑄字次律河南人玄宗  
避亂走蜀瑄奉冊至靈武  
傳位肅宗收復兩京瑄請  
諸王為都統節度安祿山  
聞之大驚時以進明之讒  
出為招討使不利又為邠  
州刺史政聲流聞





賈至之印

賈至字幼隣河南人擢明經從玄宗幸蜀知制誥帝傳位肅宗至撰冊進藁帝曰昔先天誥命卿父爲之今茲命冊又爾爲之可謂父子繼美矣官至禮部侍郎集賢院待制



元德秀

元德秀字紫芝河南人性至孝自負母入京師舉進士母亾終身不娶家貧出爲魯山令歲餘棄官隱陸渾山居不爲牆垣歲饑日或不炊嗜酒彈琴以自娛卒家惟枕履簞瓢而已



甄濟之印

甄濟字孟成定州人居青巖山遠近服其仁環山不敢畋漁天寶中以左拾遺召不至祿山反封亦召之延頸受戮使者脫之子逢上其事得書於史詔贈秘書監由是父子俱顯名



杜甫

杜甫字子美少貧舉進士不第困長安天寶十三載待制集賢院會天子走蜀肅宗立甫至鳳翔上謁拜右拾遺從帝還京師棄官客秦州流落劔南嚴武表爲工部員外郎甫大醉卒





顏杲卿印

顏杲卿以蔭調遂州司法參軍安祿山表為常山太守祿山反杲卿矯賊命斬其假子李欽湊傳首京師與真卿連兵為犄角祿山大懼急攻杲卿六日而城陷詭賊不絕鈎舌而歿



郭子儀印

郭子儀字子儀華州鄭人為中興第一元功封汾陽王號尚父進中書令以身為天下安危者二十年幕府六十餘人後皆為將相顯官七子八壻皆貴顯諸孫數十不能盡識



李泌之印

李泌字長源七歲能文玄宗召見賜束帛敕其家視養之後佐肅宗克復兩京其功大於魯連范蠡出入中禁事四君數為權倖所疾常以智免好縱橫大言時時讜議能寤移人主



李嗣業

李嗣業京兆人為金吾大將軍鎮疏勒天寶十二載入朝賜酒醉起舞玄宗賜錢十萬為解醒具肅宗詔討祿山嗣業謂子儀曰今日不蹈萬死取一生則軍無類矣遂平長安





李光弼



楊綰之印

李光弼營州人初隸王忠嗣部下忠嗣遇之厚曰他日得我兵者光弼也光弼用兵謀定而戰能以少覆衆天下服其威名軍中指顧諸將不敢仰視與子儀齊名加大尉進中書令楊綰字公權華陰人第進士肅宗立歷吏部拜平章事制下士人相賀於朝於皆釐補穿敝惟綰是恃而綰不幸歿矣帝詔曰天不使朕致太平耶何奪綰之速也世以比京東楊震焉



馬璘



吳道元

馬璘岐州人少孤流蕩無業年二十讀漢馬援傳而慕之至德初肅宗委以東討以百騎破賊五千從李光弼討史朝義無不以少擊衆光弼曰吾用兵三十年未見雄捷如馬將軍者吳道元字道子陽翟人也明皇召入供奉名振天下畫驢於僧房時聞踏雜破迸之聲畫龍鱗甲飛動天雨則煙霧生議者謂韓愈之文杜甫之詩真卿之書道元之畫爲有唐之盛云





高適

高適字達夫滄州人少落魄不治生產舉有道科中第擢諫議大夫負氣敢言權貴側目年五十始為詩每一篇成好事者輒傳布



許遠之印

許遠敬宗曾孫也祿山反或薦遠於玄宗拜睢陽太守城陷與姚閻等三十六人俱遇害初子琦議生致一人慶緒所乃送遠洛陽至偃師不屈而歿艱難以來忠烈無先二人者



張巡之印

張巡字巡南陽人與許遠合兵保江淮安慶緒遣尹子琦攻睢陽城中食盡至羅雀掘鼠煮鎧弩以食士病不能戰巡西向拜曰臣生不能報陛下歿當為厲鬼以殺賊城陷而歿



南霽雲

南霽雲魏州人睢陽圍急霽雲冒圍出見賀蘭進明進明觀望不肯救霽雲曰睢陽士不粒食已彌月矣今主將之命不達請置一指以示信歸報中丞也因拔佩刀斷一指涕泣而去



韓 韓

雷萬春印

雷萬春印

雷萬春事巡為偏將令狐潮圍雍丘巡使萬春立城上與潮相聞賊弩射之面中六矢而不動潮大驚遙為巡曰向見雷將軍知足下軍令矣然其如天道何哉

于休烈印

于休烈印

于休烈京兆人善屬文開元初擢制科歷秘書省正字肅宗立兼修國史時史籍藏興慶官兵與焚蕩皆盡于烈徧構天下討著舊章天子嘉之進工部尚書

裴遵慶印

裴遵慶印

裴遵慶字少良絳州人代宗時以尚書右僕射知選事朝廷優其老聽就第注官性敦正老而彌謹每薦用人以來謝為恥諫而見從內益畏雖至親近但記其削藁疏數而莫知所言

元結印

元結

元結字次山河南人少不羈年十七始折節嚮學天寶十二載舉進士第會天下亂浮沉人間肅宗召詣京師獻時議三篇優詔褒答授著作郎進容管經畧使





顏真卿



渾瑊之印

顏真卿字清臣舉進士正色立朝剛而有禮天下皆不以姓名稱而必曰魯公歷事四君每為當事者所不容李希烈反盧杞遣真卿往諭李勉以為失一元老貽朝廷羞不聽遂遇害渾瑊本鐵勒九姓之渾部也年十三善騎射勇常冠軍遷中郎將祿山反從李光弼定河北肅宗即位從郭子儀復兩京討安慶緒勝之新鄉後平朱泚實封戶八百貞元間進中書令



釋懷素印



劉晏

懷素姓錢氏疎放不拘每飲酒以養性草書以暢志酒酣興發所遇寺壁里牆衣裳器皿靡不書之貧無紙種芭蕉以供揮灑魯公與論書嘆曰艸聖之淵妙師可謂獨得矣  
劉晏字士安曹州人七歲舉神童代宗朝授御史領轉運租庸鹽鐵使初歲入錢六十萬貫季年所入逾十倍天子大悅遷尚書左僕射楊炎素憾晏建中元年構其罪賜晏死





李晟

李晟字良器洮州人王忠嗣常稱之為萬人敵時朱泚盜京城懷允圖反晟秉義挺忠蕩夷兇愍而市不易廛宗廟不震長安之人不識旗鼓雖三代用師不能加也進太尉中書令  
啖助字叔佐趙州人淹該經術天寶末調臨海尉善為春秋考三家短長縫袞補闕號集傳復撮其綱條為統例趙匡陸贄其高弟也



啖助



獨孤及印

獨孤及字至之河南洛陽人天寶末舉高第代宗以左拾遺召既至上疏陳政剴切歷濠舒二州刺史有善政歲饑旱舒賴以安以治課加司封郎中徙常州甘露降其庭



盧綸

盧綸字允言河中人嘗朝京師召見禁中帝有所作輒使賡和與吉中孚韓翃錢起司空曙苗發崔峒耿湜夏彥審李端齊名號大曆十才子





李勉之印

李勉字元卿宗室子也從  
肅宗於靈武擢監察御史  
天子重其正直欲遂柄用  
而李輔國諷使下已勉不  
肯拜領南節度使還盡搜  
家人所蓄犀珍投江中德  
宗立加同平章事



李揆

李揆字端卿隴西人第進  
士帝曰卿門第人物文章  
皆第一朝廷羽儀也素為  
盧杞所惡充入蕃盟會使  
揆至蕃酋長曰聞唐有第  
一人李揆公是否揆畏留  
給曰彼李揆安肯來耶



段秀實印

段秀實字成公汧陽人大  
曆五年拜四鎮北庭行軍  
節度使建中初改為司農  
卿朱泚遣將領銳師馳奉  
天逼天子秀實倒用司農  
印追其兵還翌日奪其象  
笏激泚中類遂被害



崔祐甫印

崔祐甫字胎孫第進士為  
侍郎攝省事代宗崩與宰  
相常袞議禮多不平乃劾  
祐甫貶河南尹郭子儀入  
言祐甫不宜貶帝怒袞罔  
上即兩換職以袞為河南  
尹拜祐甫平章事





李抱真印



陽城

李抱真安興貴之裔也僕固懷恩反代宗召抱真問狀抱真對曰誠以子儀領朔方可不戰而解矣德宗走奉天時李希烈李懷光朱泚朱滔相次反抱真獨橫絕潰叛中為群盜所憚陽城字亢宗北平人居位八年人莫窺其際及裴延齡誣逐陸贄城曰吾諫官不可令天子殺無罪大臣乃上疏申直陸贄等哭於廷曰延齡為相臣取白麻壞之時不相延齡城力也



馬燧



陸贄

馬燧字洵美汝州陝城人與諸兄學輟策嘆曰天下有事丈夫以功濟四海詎老一儒哉節度使李抱玉署為尉甚才之建中二年以燧屢建大功遷兵部尚書封豳國公  
陸贄字敬輿嘉興人為翰林學士天子以輩行呼而不名在奉天朝夕進見小心精潔帝解衣賜之及輔政多獻替所言剴切或規其太過贄曰吾上不負天子下不負所學違他惜乎





韋應物

韋應物京兆人貞元初為蘇州刺史少時扈從游幸豪縱不羈玄宗末年始折節讀書性高潔鮮食寡欲掃地焚香而坐故其詩清深閒淡而詞格不減沈謝云



杜黃裳

杜黃裳萬年人貞元末拜同平章事初郭子儀辟佐朔方府子儀入朝使留事李懷光矯詔欲代子儀黃裳判其非懷光流汗服罪諸將狠驕難制者皆以子儀令易置眾不敢亂



張志和印

張志和字子同金華人肅宗時待詔翰林親喪不仕居江湖間自稱烟波釣徒每垂釣不設餌志不在魚也善圖山水喜作漁歌憲宗求其歌不能致李德裕稱其不窮不達嚴光之比



李吉甫印

李吉甫趙郡人以蔭補官出為忠州刺史時陸贄貶忠州吉甫遇之厚坐是不徙者六歲憲宗立遷中書令進平章事時方鎮強恣吉甫易置三十六鎮殿最分明會暴疾卒





權德輿印

權德輿字載之未冠以文章稱諸儒間德宗聞其才召為左補闕遷禮部知貢舉所得士相繼為卿相元和初拜禮部尚書同平章事務寬和不為察察名其縕藉風流為朝廷羽儀



裴垪

裴垪字弘中聞喜人元和初為中書舍人李吉甫始執政垪為疏三十許人吉甫藉以薦於朝天下翕然稱得人吉甫罷垪乃當國雖宿貴前望不敢干以私百度修舉朝無幸人



裴度之印

裴度字中立河東聞喜人擢進士第居相位五復名震四夷使外國者其君長必問年歲幾何狀貌孰似天子用否其威譽德業比郭汾陽而用不用嘗為天子重輕



武元衡印

武元衡字伯蒼平一孫舉進士元和二年拜同平章事憲宗素知元衡堅正信任異於他相王承宗上疏請赦吳元濟使人白事元衡叱去之承宗使人乘夜射殺元衡帝哀慟不食





李光顏印

李光顏字光遠元和中討  
蔡詔以其軍當一面突入  
賊中矢集如蝟光顏子在  
軍中攬馬鞅泣諫光顏挺  
劍叱之于是士爭奮擊賊  
乃潰後屢困賊蔡平加檢  
校司空仍鎮忠武



李愬

李愬字元直晟子為唐鄧  
節度使雪夜襲吳元濟檻  
送京師乃屯兵鞠場以俟  
裴度請以橐鞬見度將避  
之愬曰此方廢上下之分  
久矣請因示之度以宰相  
禮受愬謁蔡人改觀



韋貫之

韋貫之杜陵人第進士永  
貞時為監察御史後為尚  
書右丞同平章事憲宗討  
吳元濟也貫之請釋鎮州  
專力淮西李愬雪夜入蔡  
州乃克蔡皆如貫之策



李絳印

李絳字深之贊皇人擢進  
士元和二年為翰林學士  
知制誥帝欲相絳遂錄司  
勳郎中進中書舍人賜金  
紫親擇良笏與之時承瓘  
寵盛毀絳帝出瓘淮南監  
軍拜絳中書侍郎平章事





呂元膺



許孟容印

呂元膺字景夫東平人德宗時爲蘄州刺史嘗錄囚歲旦遣歸省如期而至元和中擢給事中俄爲同州刺史入謝帝問政事所對詳詣帝曰元膺直氣讜言宜置左右進御史中丞許孟容字公範長安人擢進士德宗時累遷給事中元和初遷京兆尹豪右大震遷吏部侍郎盜殺武元衡孟容白宰相曰願白天子起裴中丞輔政則罪人得矣數日果相度



郝士美印



蕭復

郝士美字和夫兗州人爲昭義節度使時武臣私厨歲費巨萬士美悉革去之出廩錢市物自給時討王承宗也大將王獻督萬人爲前鋒逗留不進士美卽斬以徇由是威震兩河蕭復字履初望闕高華厲名節不狎流俗及爲相臨事嚴方數拂帝意憲宗嘗曰蕭復慢我出爲宣撫使與元初復進門下侍郎稍不合亟上政事廢居饒州晏然自樂而已





烏重胤印

烏重胤字保君少爲潞牙將以功擢河陽節度受詔討淮蔡與李光顏爲犄角賊平文宗召拜司徒得士心待官屬有禮名士温造石洪皆在幕府旣歿三十餘人剖股以祭



韓愈之印

韓愈字退之南陽人擢進士第裴度以宰相節度彰義軍奏愈行軍司馬蔡平遷刑部侍郎憲宗迎佛骨切諫貶潮州刺史至潮謝表帝感悟召拜國子祭酒穆宗朝轉吏部侍郎



柳宗元印

柳宗元字子厚河東人爲監察御史王叔文章執誼等竒待宗元轉禮部員外郎欲大進用而叔文敗宗元因貶永州司馬元和十年移柳州江領間爲進士者皆師之故號柳柳州云



孟郊之印

孟郊字東野武康人性介少合韓愈一見爲忘形交年五十第進士調溧陽尉縣有投金灘林薄蒙翳下有積水郊間往坐水旁徘徊賦詩曹務多廢令白府以假尉代之分其半俸





張籍之印

張籍字文昌烏江人第進士愈薦為國子博士歷水部員外郎主客郎中籍為詩長於樂府多警句仕終國子祭酒



盧仝

盧仝居東都韓愈為河南令愛其詩厚禮之仝自號玉川子嘗為月蝕詩以訛切元和逆黨愈稱其工



皇甫湜印

皇甫湜新安人第進士裴度辟為判官度將立寺碑求文於白居易請為之斗酒飲酣援筆立就贈甚厚湜怒曰碑字三千字三



賈島私印

賈島字浪仙范陽人初為浮屠名無本遊東都時洛陽令禁僧急島為詩自傷愈憐之令去浮屠舉進士當其苦吟雖逢公卿貴人不覺也一日遇京兆尹跨驢不避諱詰之久乃得釋





劉義之印

劉義少為俠因酒殺人  
命會赦出歸愈作冰柱雪  
車詩出盧仝孟郊右樊宗  
師見之為獨拜一日持愈  
金數斤去曰此謾墓中人  
得耳不若與劉君為壽去  
齊魯不知所終



李翱之印

李翱字習之中進士第元  
和初為國子博士史館修  
撰奏狀曰史館記聖朝功  
德忠賢事業奸臣醜行只  
宜直載事實今人但取行  
狀以為據夫行狀多門生  
故吏虛譽之辭安足信也



李賀

李賀字長吉系出鄭王後  
且日出騎弱馬從小奚奴  
背古錦囊得句輒投囊中  
歸母探囊見所書多即怒  
曰是兒要嘔出心乃已賀  
以父名晉不肯舉進士愈  
為作諱辨然卒亦不就舉  
崔覲城固人老無子乃以  
田宅財貲分給奴婢各為  
業而身與妻隱南山約奴  
婢過其舍則給酒食夫婦  
嘯詠相視為娛文宗詔以  
起居郎召辭疾不至



崔覲之印





劉禹錫印

劉禹錫字夢得系出中山

第進士恃才而廢褊心不

能無怨望偃蹇寡所合以

詩文自適與白居易相酬

和居易嘗推為詩豪又言

其詩在處應有神物護持

會昌初加檢校禮部尚書

李渤字澹之元和初以右

拾遺召不至韓愈遺書曰

朝廷議必起拾遺公若不

至更加高秩如是辭少就

多傷廉害義公不為也渤

善其言始出渤孤操自持

雖屢以言斥而不少衰



李渤



石洪

石洪字濬川有至行舉明

經為黃州錄事參軍罷歸

東都十年隱居不出烏重

胤禮聘之洪感其知己欣

然戒行胤喜其至相得歡

甚後召為集賢校理

白居易字樂天擢進士為

翰林學士出為蘇州刺史

貶江州司馬久之入為主

客郎中知制誥穆宗荒縱

進忠不見聽出為杭州刺

史文宗立入為刑部侍郎

會昌初以刑部尚書致仕



白居易





溫造



令狐楚印

溫造并州祁人爲太原幽

鎮宣諭使劉總橐鞬郊迎

造爲開示禍福總矍然若

兵在頸授侍御史彈奏節

度使李祐造正衙抨劾祐

曰吾雪夜擒吳元濟未嘗

心動今日膽落於溫御史

令狐楚字殷士德棻之裔

第進士鄭儋領太原辟爲

掌書記德宗喜文每省太

原奏必能辨楚所爲儋死

軍將爲亂楚爲草遺奏示

諸將士皆感泣一軍乃安

由是名益重官至左僕射



段文昌



馬存亮印

段文昌字墨卿志玄之孫

也爲翰林學士穆宗卽位

拜中書侍郎未踰年自表

還政授劍南西川節度使

羣蠻震服黔中蠻叛文昌

以一介開曉蠻卽引還其

酋長請立石刊誓脩貢獻

馬存亮元和初知內省事

敬宗初蘇玄明等謀爲變

存亮討賊有功賜封二百

戶存亮功最高乃推委權

勢致仕封岐國公存亮始

事德宗更六朝資性畏慎

始去禁衛衆皆感泣





韋處厚印

韋處厚字德載京兆人敬宗荒於治處厚入見曰臣昔事先帝為諫官所以不歿諍者以陛下在東宮十有五矣今皇子方襁褓臣不敢避歿亡之誅文宗立拜同平章事相府肅然



柳公權印

柳公權京兆人擢進士第穆宗曰朕於佛廟見卿筆蹟思之久矣即拜侍書學士文宗時入翰林嘗夜召對燭窮而語未盡後帝徐曰卿有諍臣風可屈居諫議大夫乃自舍人下遷



李珣

李珣字待價幼孤事母以孝聞舉進士第擢右拾遺遷殿中侍御史韋處厚曰清廟之器豈擊搏才乎除禮部員外郎後以吏部尚書為淮南節度使



李德裕印

李德裕吉甫子也以蔭補官擢翰林學士時牛僧孺為相出為觀察使太和三  
年召拜兵部侍郎以李宗閔秉政又出為節度使武  
宗立召拜同平章事當國  
六年威名獨重於時





魏暮

魏暮字申之徵五世孫文

宗讀貞觀政要思徵之賢

詔訪其後得暮為右拾遺

肯直言詔曰暮雖居位日

淺朕何惜一官增直臣之

氣進右補闕宣宗時為相

帝曰暮有祖風朕心憚之

高仁厚為西川押牙阡能

聚眾為盜節度使敬瑄遣

仁厚討平之既而遣討韓

秀昇語之曰成功當秦以

東川相賞東川節度聞之

怒而為亂詔以仁厚將兵

討平之即拜東川節度使



高仁厚印



辛讜之印

辛讜太原尹雲京孫也龐

勛反攻杜滔於泗州讜突

圍出請救兵至泗州之圍

得解泗州被圍凡七月讜

犯圍出迎兵糧往反凡十

二及平以讜為亳州刺史

鄭畋字台文舉進士黃巢

反主命不出劍門四方謂

王室微不復與及畋以銳

卒數千殺賊二萬巢懼不

敢西向遠近各治兵期立

功奔問行在畋還相天子

坐籌帷幄卒能復國云



鄭畋私印





陸龜蒙印

陸龜蒙字魯望少高放舉  
進士不第遂弃去居松江  
甫里多所論撰性嗜茶時  
乘舟設蓬席束書茶竈筆  
牀釣具獨意往來時謂江  
湖散人或號天隨子甫里  
先生



司空圖

司空圖字表聖河中人擢  
進士拜禮部員外知制誥  
棄官歸中條山昭宗播遷  
圖以密邇即時奔問復辭  
還山時盜賊獨不入王官  
谷昭宗東遷復召至柳璨  
阻之一謝而退梁篡位卒



鄭綰

鄭綰字蘊武第進士善為  
詩號鄭五歇後體昭宗還  
官見其詩自注鄭綰禮部  
侍郎平章事制下綰搔首  
曰歇後鄭五作宰相時事  
可知矣累表遜讓不獲視  
事三月以太子少保致仕



鄭遨之印

鄭遨白馬人昭宗時舉進  
士不第見天下已亂有拂  
衣遠去之意欲携其妻子  
俱隱妻不從遨乃入少室  
山為道士後唐明宗以左  
拾遺召晉高祖以諫議大  
夫召皆不起





李道殷

李道殷羅隱之皆華陰道士鄭遨徙居華陰與相友善遨種田隱之賣藥道殷有釣魚術又能化石為金遨嘗驗其信然而不之求也



郭崇韜印

郭崇韜鴈門人莊宗即位拜樞密使王彥章擊破德勝莊宗用崇韜計破其軍八日而滅梁崇韜未嘗與戰陳徒以謀議居佐命功第一賜鐵券位兼將相遇事無所迴避卒以讒死



羅隱之

羅隱之見李道殷傳



張承業

張承業禧宗時宦者也後莊宗委以軍國承業蓄積金粟收市兵馬勸課農桑成莊宗之業初莊宗須錢捕博承業怒曰臣惜此庫錢欲佐王成霸業耳財盡兵散豈獨臣受禍也





敬新磨印



馮道

敬新磨伶人也莊宗獵於

中牟踐蹂民田中牟令諫

莊宗叱斬之新磨執令而

讓之曰汝為縣令奈何縱

民稼穡以供歲賦何不飢

餓汝民空此田地以待天

子馳逐也莊宗大笑赦之

馮道初事莊宗為翰林學

士明宗即位同平章事晉

滅唐道又事晉契丹滅晉

道又事契丹耶律德光以

道為太傅德光北歸道又

事漢周滅漢道又事周經

歷四姓併德光一十二君



周傑



孫位

周傑精於歷算占得嶺南

可以避地乃棄官携家適

嶺表南漢主龔龔位因問

國祚修短傑筮之得比之

復曰當五百五十龔大喜

後龔自僭號至國滅止五

十五年云

孫位僖宗時處士也蘇軾

云古今畫水多作平遠細

皺其善者不過為波頭起

伏特與印板水紙爭工拙

唐孫位始出新意畫奔湍

巨浪與山石曲折隨物賦

形盡水之變號稱神逸





孫知微印

孫知微蜀人也欲與大慈寺壁畫湖灘水石四堵營度經歲終不肯下筆一日倉皇入寺索筆墨甚急奮袂如風須臾而成作輪瀉跳蹶之勢洶洶然欲崩屋也



郭忠恕

郭忠恕柴太宗朝為國子博士所畫樓觀臺榭高古不悅世目歷數年後有知音者韓愈論文謂應時作俗下文章下筆令人慙及示人以為好惜古文之難知也今於忠恕之畫亦云



徐熙之印

徐熙江南人與黃筌同時筌畫花妙在賦色落墨極細但以輕色染成謂之寫生熙以墨筆畫之殊草草略施丹粉神氣湧出別有生意熙之子更不用墨直以彩色圖畫謂之沒骨圖




郭熙

郭熙溫縣人為御畫院藝學喜山水寒林每於高堂素壁信手作長松巨木迴溪沿崖巖岫巉絕峰巒鬱起雲霞變滅煙靄之間千態萬狀所著畫論言皆有



入  
月  
身

五





程